



Peter Olsen
Inatsisartunut ilaasortaq, Inuit Ataqtigiit

**Marlunnik ilivitsunik ingerlaqqiffiusumik ilinniagaqarnermi
ilinniagaqarnerisuteqarneq pillugu - § 37 naapertorlugu apeqqummut akissut nr.
2/2021**

20-01-2021
Suliap nr. 2021 - 698
Allagaat nr. 15787756

Postbos 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Asasara Peter Olsen,

Inatsisartut suleriaasiat naapertorlugu apeqqutinnut qujanaq. Apeqqutigineqartut tullinnguuttuni akissuteqarfigissavakka.

**Apeqqut 1: Assersuutigalugu ilinniartitsisut naammaseriarlunga,
fiskeriingeniøritut ilinnialeruma naammassinissama tungaanut
ilinniagaqarnermusiaqarsinnaati-taassanerpunga?**

Akissut: Ilinniagaqarnerisutit pillugit Namminersorlutik Oqartussat nalunaarutaat nr. 9 19. juli 2017-imeersumi (Ilinniagaqarnerisutitut nalunaarut) § 20 naapertorlugu qiortakkat 82-it tunngaviusut tamakkersimaneritit apeqqutaassaaq. Ilinniartitsisunngorniarfik qitiusoq professionsbachelorinngornissamat ilinniarnerrummat ukiunullu sisamanut sivissusiligaalluni, ilinniartup piffissaliussaq malillugu naammassippat ilinniarnerrinilu qiortakkanik atuinnaavissimaguni 46-t atorsimassavai. Matuma kingorna qiortakkanik 36-nik tunineqarsinnaassaaq, taakkulu aalisarnermi ingenøritut ilinniarnissamat atorneqarsinnaassapput. Taanna ukiunut sisamanut sivissusiligaavortaaq, qiortakkallu 46-nik imaqarluni. Taamaattumik nutaamik ilinniagaqarniarluni taamatut pisoqassappat minnerpaamik qiortakkat qulit amigaatigineqassapput. Aningaasarsiaqarnani ilinniarneq nangingeqarsinnaassaaq, taamaattoqassappalli nutaamik ilinniarnerrup piffissap ilaani inuuniarnermut aningaasartuutit nammineerluni akilerneqartariaqassapput.

**a. Aammalu aningaasaqarnikkut ajunngitsorsiasat tamaasa
pigiinnarsinnaanerpakka?**

Akissut: Matumani "immikkut aningaasaliissutit"-nik taaneqartartut ass. akiliunneqarluni angalaneq, assartuineq, atuakkanut aningaasartuutit il. il. innersuutigineqarpata, Ilinniagaqarnerisutit pillugit Inatsisartut inatsisaat nr. 12, 22. november 2011-imeersoq Ilinniagaqarnerisutit pillugit Inatsisartut inatsisaat nr. 16 af 6. juni 2016-imeersukkat allannngortinneqartumi § 14, imm. 2 takuuk (Ilinniagaqarnerisutitut nalunaarut), oqaatigineqassaaq ilinniarnermi qiortakkanik immikkut aningaasaliissuteqartoqassappat Ilinniagaqarnerisutitut nalunaarummi § 9 naapertorlugu manna pillugu maleruagassat naapertorlugit ilinniagaqarnerisutit (stipendiamik) tunniussisoqarsimasariaqarmat.

b. Naamiuppat, tamanna sumik peqquteqarpa?

Akissut: Ilinniagaqarnersiutinut inatsimmi § 14, imm. 1, oq. aappaanni allassimavoq ingerlariaqqiffiusumik ilinniarnermi ilinniagaqarnersiut qiortagaqartitsilluni piffissami aalajangersimasumi tunniunneqartartut. Maleruagassat Inatsisartut Ilinniagaqarnersiutit pillugit Inatsisartut peqqussutaat nr. 5, 14. novemberimeersoq attuukkunnaarsimasoq aqutugalugu qiortakkanik taaneqartartunik atuuttunngortitsinerannut ataqtigiitsinneqassapput. Ilinniartut ilinniarniarnerminnik pilersaarusiornerni amerlanerusullu ilinniakkamik eqqortumik toqqaanissaannut atatillugit akisussaaffeqarnerunissaat piginnaasaqarnerulernissaallu kissaatigineqartut ilagaat. Ilinniartuq assersuutigalugu ingerlariaqqiffiusumik ilinniarnermik naammasinneriarluni allanut ingerlariaqqiffiusumik ilinniarnermut ilinniagaqarnersiutisiaqarnissamut qinnuteqarnera pissutigalugu matumani ilinniarnernut amerlanerusunut ilinniagaqarnersiutissanut aningaasalersuinissaq avaqqunneqarniarpoq. Taamaattumik inuiaqatigiit ilinniartuq ingerlariaqqiffiusumik ilinniarnerni ilinniagaqarnersiuteqarnissaanut aningaasalersuisimappata ilinniagaq pineqartuq inuiaqatigiinnut iluaqutaasussanngorlugu atorluarneqartariaqarsorineqarneranik eqqarsaatersornermik maleruagassat tunngavilersorneqarsinnaapput.

Peqatigisaanillu piumasarineqarpoq killortakkat ukiuni arfineq marlunnik sinaakkuserneqassallutik, imatut paasillugu ukiut arfineq marluk missaanni qiortakkanik 82-inik ilinniagaqarnersiuteqarluni, tamannalu maleruagassat siuliiniit pitsanngoriarnervoq, siuliani inuussutissarsiummut ilinniakkamut ataasiinnarmut ilinniagaqarnersiutisiaqartoqaannarsinnaammat.

Maleruagassat Ilinniagaqarnersiutit pillugit Inatsisartut inatsisaannut atuuttumut ilanngunneqarnikuupput. Siuliani taaneqareerpoq maleruagassat malillugit ilinniartuq assersuutigalugu ukiuni pingasuni ass. bacheloritut ilinniarsimaguni tassungalu qiortakkat 34-t atorsimallugit qiortakkanik 48-nik sinneqalissasoq, taassumalu ilinniakkamut ingerlariaqqiffiusumut atorsinnaassavai. Aaqqissuussaqaq ilinniakkanut ingerlariaqqiffiusunuinnaq tunngavoq, Ilinniagaqarnersiutinut inatsimmi § 14, imm. 1 oq. aappaat takuuk, saniatigullu ilinniartuq assersuutigalugu inuussutissarsiummik ilinniarnissamulluunniit piareersaataasumik ilinniarsimasoq Ilinniagaqarnersiutit pillugit Namminersorlutik Oqartussat nalunaarutaat nr. 9 19. juli 2017-imeersumi (Ilinniagaqarnersiutinut nalunaarut) § 21 naapertorlugu suli killortakkanik 82-inik pissaqassalluni.

Apeqqu 2: Ilinniartitsisunngoreersimallunga, fiskeriingeniøritut ilinniarniarlunga aallartinniaruma, aporfissaqarsimappallu, aporfissat taakku qanoq aaqqinneqarsinnaappat?

a. Inatsisitigut aamma peqqussutitigut?

Akissut: Inatsisartut tamanna pillugu inatsisissatut siunnersuummik akuersissuteqarnerisigut ingerlariaqqiffiusumik ilinniarnermi ilinniagaqarnersiutinik qiortakkatut piffissami aalajangersimasumi tunniussisarneq pillugu maleruagassanik atorunnaarsitsisinnaapput, Ilinniagaqarnersiutinut inatsimmi § 14, imm. 1, oq. aappaat

takuuk, kingornalu ingerlariaqqiffiusumik ilinniarnert qassit ilinniagaqarnersiuteqarluni naammassineqarsinnaalissapput.

b. Allaffissornikkut?

Akissut: Ilinniagaqarnersiutinut nalunaarummi qiortakkanut 82-inut amerlassusaannut sinaakkutit maleruagassat allaffissornikkut nutaamik nalunaaruteqarnikkut allanngortinneqarsinnaassapput, assersuutigalugulu 92-inut amerlanerusunulluunniit amerlineqarsinnaallutik. Taamaaliornermi ilinniartup ilinniagaqarnersiuteqarluni ingerlariaqqiffiusumik ilinniarnermik allamik naammassinninnissamut periarfissaasa annertusinissaat siunertarinqassaaq.

Ilinniagaqarnersiutinut nalunaarummi maleruagassat atuuttut naapertorlugit ilinniartooq, ilinniakkamik ingerlatsinerani napparsimaneq, ernineq, meeravissiararneq ilinniartutulluunniit sulineq pillugu kinguaattoorsimappat, qiortakkanik amerlanerusunik tunineqarnissamut akuerineqarsinnaavoq, taakkulu qiortakkat 82-it amerlineqarlutik, ilinniagaqarnersiutinut nalunaarummi §§ 24 aamma 26 kiisalu § 23, imm. 2, oq. siulleq takukkit. Taamaattorli amerlassusaat ilinniartup ingerlariaqqiffiusumik ilinniakkaminik naammassinnereernerup kingorna ingerlariaqqiffiusumik ilinniaqqinnialeruni amerlineqassanngillat.

Inussiarnersumik inuulluaqqusillunga


Katti Frederiksen